

12 აპრილს გაიმართა სსრ კავშირის საფეხბურთო ჩემპიონატის VII ტურის 6 მატჩი (ორი შეხვედრა, როგორც ცნობილია, გადადებულია).

„უალგირისი“ (ვილნიუსი) – „დინამო“ (თბილისი) 3:1 (1:1).

ვილნიუსი. „უალგირისის“ სტადიონი. 12 აპრილი.

„უალგირისი“: იურკუსი, იაკუბაუსკასი, სუკრისტოვი, მაუეიკასი, იანონისი, პანკრატიევი (ბუმაკოვი, 64), ბარანაუსკასი, ივანაუსკასი (ტამილავიჩუსი, 76), რუზისი, რასიუკასი, ნარბეკოვასი.

„დინამო“: გაბელია (აბუსერიძე, 46), სვანაძე, ჩივაძე, ჭელია, მალანია, კაკილაშვილი, კორლალიძე (ბიგვავა, 87), აფციაური, ცაავა, ჩელევაძე, შენგელია.

მსაჯი ვ. ლისენკო (ოდესა).

გაათრთხილეს ზ. სვანაძე.

დუბლიორები - 3:1. თბილისელთაგან ერთი ბურთი გაიტანა ბიგვავამ.

ამ ორი გუნდის საკავშირო ჩემპიონატების შეხვედრათა ისტორიაში სულ 12 მატჩია ჩატარებული, 7 მოიგეს თბილისელებმა და მხოლოდ ერთი - ვილნიუსელებმა. მაგრამ ისტორია წარსულის ამბავია. ახლა კი ჯერჯერობით გათამაშების წამყვან ჯგუფში სწორედ „უალგირისი“ იმყოფება. თბილისის „დინამო“ კი ერთ-ერთ ბოლო ადგილზეა. ეს მატჩიც მეტოქეთა ამ განლაგების შესაბამისად წარიმართა.

მასპინძლებმა თავიდანვე სცადეს ინიციატივის ხელში აღება, დინამოელებს დაცვაზე მოუხდათ ფიქრი, მაგრამ მე-13 წუთზე „უალგირისის“ მხარეს კუთხური დაინიშნა. კაკილაშვილმა მოაწოდა, ბურთი მცველებს გაცდა, კარის მარცხნივ კი უმეტვალყუროდ აღმოჩნდა ჭელია - 1:0.

პირველი გოლი საკავშირო ჩემპიონატის მატჩში დიდი სტიმულია. თბილისელებმა შემდგომი ათიოდე წუთის მანძილზე კიდევ ორი სახიფათო მომენტი შექმნეს მეტოქეთა კართან. ერთ შემთხვევაში კარგად ითამაშა მეკარე იურკუსმა, მეორეში კი კორლალიძემ ითამაშა არაზუსტად. შემდგომში ვილნიუსელები თანდათან დაეუფლნენ ინიციატივას. ისინი განსაკუთრებით ეფექტურად მოქმედებდნენ შეტევის ფლანგებზე. ტაიმის დასასრულს, 44-ე წუთზე, რუზისმა წამოიწყო იერიში. იგი საპასუხო გოლით დაამთავრა ბარანაუსკასმა - 1:1.

შესვენების შემდეგ „უალგირისის“ ფეხბურთელები მთლიან შესაძლებლობით, მობილიზებით მოქმედებდნენ. დინამოელთა კონტრშეტევის დროს მათი მცველები უნარიანად ქმნიდნენ ხელოვნურ თამაშგარე მდგომარეობას და თავიანთ საჯარიმო მოედნამდე ანეიტრალებდნენ შესაძლო სახიფათო ვითარებას.

მიმდინარეობდა მე-60 წუთი, როცა ფლანგიდან მოწოდებულ გადაცემაზე სწრაფად გავიდა ნარბეკოვასი. ნახტომში მთელი თავით აჯობა მოპირდაპირე მცველებს და ზუსტად გაგზავნა ბურთი მიზანში - 2:1.

ვილნიუსელები დანინაურდნენ. მათი თამაშიც უფრო დაჯერებული, საფუძვლიანი გახდა. 68-ე წუთზე ბარანაუსკას-ნარბეკოვასის კომბინაცია მესამე გოლით დამთავრდა. დინამოელმა მცველებმა აქაც შეცდომა დაუშვეს და მასპინძლები უკვე საიმედოდ დანინაურდნენ - 3:1.

დარჩენილი დროის მანძილზე ვილნიუსელებს აღარ გასჭირვებიათ ანგარიშის შენარჩუნება.

ზურაბ ფოცხვერია
(„ლელოს“ სპეც. კორ.)
ლელო 14.04.1987